

**PEMBERITAHUAN PERTANYAAN****DEWAN RAKYAT, MALAYSIA**

**DARIPADA : Y.B. TUAN LIM KIT SIANG  
(GELANG PATAH)**

**PERTANYAAN : BERTULIS**

**Y.B. TUAN LIM KIT SIANG [ GELANG PATAH ]** minta **MENTERI KEWANGAN** menyatakan maklumat terperinci atas kegunaan dan perbelanjaan kutipan Cukai Barangan dan Perkhidmatan (GST) dari bulan Januari 2017 ke Jun 2017.

**JAWAPAN**

Untuk makluman Ahli Yang Berhormat, hasil yang diterima oleh Kerajaan Persekutuan termasuk hasil kutipan Cukai Barangan dan Perkhidmatan (GST) yang dikutip oleh Jabatan Kastam Diraja Malaysia akan dimasukkan ke dalam Kumpulan Wang Disatukan selaras dengan Perkara 97 Perlembagaan Persekutuan.

Dana daripada Kumpulan Wang Disatukan sebahagian besarnya akan digunakan untuk membiayai keseluruhan Perbelanjaan Mengurus termasuk emolumen, hutang, subsidi, penyelenggaraan aset Kerajaan

dan pembelian ubat-ubatan.

Manakala lebih dana daripada Kumpulan Wang Disatukan (sekiranya ada) akan digunakan juga untuk menampung sebahagian daripada Perbelanjaan Pembangunan seperti pembinaan hospital, sekolah, jalan raya dan penyediaan bekalan air bersih di setiap negeri. Semua perbelanjaan tersebut dapat memberi manfaat dan faedah kepada rakyat di seluruh negara.

100

SOALAN ( 235 )

**PEMBERITAHUAN PERTANYAAN  
DEWAN RAKYAT, PARLIMEN MALAYSIA**

PERTANYAAN : BUKAN LISAN

DARIPADA : YB TUAN LIM KIT SIANG  
[ GELANG PATAH ]

SOALAN :

**YB TUAN LIM KIT SIANG [ GELANG PATAH ]** minta **PERDANA MENTERI** menyatakan statistik terperinci tahun 2014, 2015 dan 2016 berkenaan bilangan orang dan kadar belia yang menganggur mengikut kelulusan akademik (lulusan ijazah, diploma, sekolah menengah dan sekolah rendah) dan nyatakan sebab-sebab kadar pengangguran belia pemegang ijazah mengatasi belia yang tidak mempunyai kelulusan ijazah.

**JAWAPAN :-**

Tuan Yang di-Pertua,

Untuk makluma Ahli Yang Berhormat, Kerajaan telah berjaya mengukuhkan kedudukan ekonomi Malaysia dan menyediakan peluang pekerjaan yang memperlihatkan kadar pengangguran kekal rendah iaitu di bawah 4%. Laporan Penyiasatan Tenaga Buruh (PTB) 2016 yang dikeluarkan oleh Jabatan Perangkaan Malaysia menunjukkan kadar penyertaan tenaga buruh pada tahun 2016 adalah 67.7% dan kadar pengangguran berada pada 3.4%, iaitu bersamaan dengan 504,100 orang. Kadar pengangguran ini adalah stabil antara 3.1% hingga 3.7% semenjak tahun 1990an. Justeru, Negara dianggap telah mencapai guna tenaga penuh mengikut definisi oleh *Organisation for Economic Co-operation and Development* (OECD) iaitu kadar pengangguran adalah kurang daripada 4%.

Untuk makluman Ahli Yang Berhormat, daripada jumlah keseluruhan 504,100 penganggur tersebut, seramai 273,400 orang merupakan golongan belia yang berumur di antara 15 hingga 24 tahun (definisi belia adalah seperti yang ditakrifkan oleh *International Labour Organization*

(ILO) iaitu penduduk yang berumur 15 hingga 24 tahun). Berdasarkan PTB 2016 juga, jumlah penganggur siswazah yang berumur 15 hingga 24 tahun hanya seramai 61,400 orang manakala bukan siswazah adalah seramai 212,000 orang.

Sekian, terima kasih.

23 November 2017

RT18/236

**JAWAPAN SOALAN PERSIDANGAN DEWAN RAKYAT****PERTANYAAN BERTULIS : TUAN SIM TZE TZIN [BAYAN BARU]  
DARIPADA****JAWAPAN OLEH Y.B. MENTERI PENDIDIKAN MALAYSIA****PERTANYAAN BERTULIS**

Tuan Sim Tze Tzin [Bayan Baru] minta MENTERI PENDIDIKAN menyatakan jumlah peruntukan yang diperuntukkan kepada sektor pendidikan negeri Pulau Pinang dari tahun 2007 hingga 2016, mengikut tahun.

**JAWAPAN**

Untuk Makluman Ahli Yang Berhormat,

Di bawah peruntukan pembangunan (DE), RMKe-11, kos keseluruhan untuk projek pendidikan yang diluluskan bagi Negeri Pulau Pinang ialah RM393.69 juta. Manakala di bawah Tabung Penyelenggaraan Sekolah, Kerajaan telah memperuntukkan sebanyak RM62.919 juta untuk penyelenggaraan sekolah bantuan modal (SJKT/SJKC/SMJKC/Sekolah Mubaligh) di negeri Pulau Pinang sejak tahun 2008-2017.

Jumlah peruntukan belanja mengurus yang diluluskan bagi negeri Pulau Pinang dari tahun 2014 hingga 2016 adalah seperti berikut:

<b>Tahun</b>	<b>Peruntukan</b>
2014	1,568,014,609.33
2015	1,504,821,215.14
2016	1,602,504,439.36

## SOALAN ( 237 )

PEMBERITAHUAN PERTANYAAN  
DEWAN RAKYAT, MALAYSIA

PERTANYAAN : BUKAN LISAN

DARIPADA : YB TUAN SIM TZE TZIN  
[BAYAN BARU]

## SOALAN :-

**YB TUAN SIM TZE TZIN [BAYAN BARU] minta MENTERI KESEJAHTERAAN BANDAR, PERUMAHAN DAN KERAJAAN TEMPATAN menyatakan jumlah rumah baru yang dibina di negeri Pulau Pinang dari 2007 hingga 2016 mengikut tahun.**



Jawapan :-

Tuan Yang DiPertua,

Untuk makluman Ahli Yang Berhormat, **jumlah pemajuan rumah baru** yang diluluskan di **Negeri Pulau Pinang** dari tahun **2007** hingga tahun **2016** adalah sebanyak **116,540 unit** rumah kediaman.

**STATUS KELULUSAN UNIT KEDIAMAN DI PULAU PINANG  
2007 HINGGA 2016**

TAHUN	KOS RENDAH	KOS SEDERHANA RENDAH	KOS SEDERHANA	KOS TINGGI	JUMLAH
2007	1,258	1,165	1,459	7,706	11,588
2008	592	540	0	6,532	7,664
2009	1,311	1,303	930	9,889	13,433
2010	561	1,029	195	5,917	7,702
2011	1,171	379	0	10,497	12,047
2012	2,164	964	0	11,655	14,783
2013	1,277	661	0	14,748	16,686
2014	839	253	451	7,010	8,553
2015	885	905	478	11,316	13,584
2016	185	248	566	9,501	10,500
<b>JUMLAH</b>	<b>10,243</b>	<b>7,447</b>	<b>4,079</b>	<b>94,771</b>	<b>116,540</b>

SOALAN ( 238 )

**PEMBERITAHUAN PERTANYAAN  
DEWAN RAKYAT, MALAYSIA**

PERTANYAAN : BUKAN LISAN

DARIPADA : YB TUAN SIM TZE TZIN  
[BAYAN BARU]

SOALAN :-

**YB TUAN SIM TZE TZIN [BAYAN BARU] minta MENTERI KESEJAHTERAAN BANDAR, PERUMAHAN DAN KERAJAAN TEMPATAN menyatakan jumlah rumah baru yang dibina di Malaysia dari 2007 hingga 2016 mengikut tahun.**

108

Jawapan :-

Tuan Yang di-Pertua,

Untuk makluman Ahli Yang Berhormat, Kementerian melalui Jabatan Perumahan Negara hanya mengawal aktiviti pemajuan perumahan yang dijalankan di Semenanjung Malaysia melalui penguatkuasaan Akta Pemajuan Perumahan (Kawalan dan Pelesenan) 1966 (Akta 118) & Peraturan-peraturan di bawahnya. Bagi Negeri Sarawak penguatkuasaan adalah di bawah Ordinan Pemajuan Perumahan (Kawalan dan Pelesenan) 2013, manakala di Negeri Sabah penguatkuasaan adalah di bawah Enakmen Perumahan (Pengawalan dan Pelesenan Pemaju-Pemaju Perumahan) 1978

Untuk makluman Ahli Yang Berhormat juga, bagi Semenanjung Malaysia, **jumlah unit kediaman baharu yang diluluskan** untuk pembinaan dari tahun **2007 hingga tahun 2016** adalah sebanyak **1,416,946 unit kediaman.**

**BILANGAN UNIT KEDIAMAN BAHARU YANG DILULUSKAN MENGIKUT TAHUN  
2007 - 2016**

TAHUN	KOS RENDAH	KOS SEDERHANA RENDAH	KOS SEDERHANA	KOS TINGGI	JUMLAH
2007	9,360	7,424	15,803	82,680	115,267
2008	5,843	1,949	11,058	74,934	93,784
2009	4,530	2,748	9,600	80,838	97,716
2010	6,079	2,717	5,615	106,390	120,801
2011	4,887	2,142	5,141	147,472	159,642
2012	7,116	1,507	12,330	214,296	235,249
2013	3,900	1,680	5,832	166,156	177,568
2014	4,147	1,173	2,909	153,778	162,007
2015	1,353	2,168	3,890	130,868	138,279
2016	1,332	509	1,942	112,850	116,633
<b>JUMLAH</b>					<b>1,416,946</b>

Kementerian Kesejahteraan Bandar,  
Perumahan dan Kerajaan Tempatan

Oktober 2017